

影印

文淵閣四庫全書

第一一二一冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

游	學	道	滴
薦	易	鄉	水
山			
集	集	集	集

宋	宋	宋	宋
游	劉	鄒	李
酢撰	跋撰	浩撰	復撰
……六二七	……五三三	……一六一	……一

欽定四庫全書

集部

滴水集卷二

詳校官庶吉士臣吳烜

侍讀臣孫球覆勘

謄錄舉人臣黃道熈
謄錄監生臣單可立

欽定四庫全書

集部三

滴水集十六卷

別集類二 宋

提要

臣等謹案滴水集十六卷宋李復撰復字履中先世家開封祥符以其父官關右遂為長安人登元豐二年進士歷官熙河轉運使終於中大夫集賢殿修撰其事蹟不見於宋史洪邁容齋隨筆載其於蔡京邢恕謀用戰艦

欽定四庫全書

滴水集
提要

一事上疏排詆甚為切直而恨史之不能詳

盡朱子語錄亦曰閩人李復案復非閩人此句或傳寫之誤

及識橫渠先生紹聖間為西邊使者博記能

文今信州有滴水集者即其文也其間有論

孟子養氣謂動必由理故仰不愧於天俯不

忤於人無憂無懼其氣豈不充乎舍是則明

有人非幽有鬼責自歉於中氣為之喪矣此

語雖踈却得其大旨近世諸儒之論多似過

高流於老莊而不知不若此說之為得也今觀是集如謂揚雄不知道謂井田兵制不可遽言復古皆確然中理其他持論亦皆醇正不止朱子所稱一條又久居兵間嫻習戎事故所上奏議大都侃侃建白深中時弊亦不止洪邁所稱二疏至其考證今古貫穿博洽於易象算術五行律呂之學無不剖析精微具有本末尤非空談者所可及在宋儒之中可謂有用者矣集本四十卷乾道間嘗刻於饒郡即朱子所謂信州本也後散佚無存談宗文者多不能舉其名氏今從永樂大典哀輯編綴釐為一十六卷著之於錄既以發潛德之光且以補史傳之闕畧焉乾隆四十六年九月恭校上

總纂官_臣紀昀_臣陸錫熊_臣孫士毅

總校官_臣陸費墀

奏疏

論治道

臣聞聖人御天下也必以道而道者南面之術也其所謂道者豈但漠然而無所事哉其用至微其功至周皆隱於綱紀法度禮樂德政之間使四海安然而無事至千萬世而無弊天下由之不知其所以然而然也古之致治者惟堯能之孔子稱之曰煥乎其有文章乃綱紀法度禮樂德政之謂也魏乎其有成功乃天下安然無弊之效也蕩蕩乎民無能名乃不知其所以然而然也夫惟如是所謂道也後世無可稽焉前世自唐末至五季天下糜爛大壞有識者傷之至於不忍言國家之藝祖太宗潛而未躍熟捻昔者禍亂之所由起自膺天命凡立一法欲絕一蠹凡舉一政欲去一弊小大遠近皆有綱紀法度維持不以喜而妄予不以怒而妄罰使居

官者修其職安其分而不敢妄作不敢苟悅無狂易傲幸之心百姓守其業樂其生無橫擾困苦之患累聖循之迄今一百六十年天下晏然自三代而下未有若本朝平定之久也恭惟陛下即位以來延見臣下必訪治道四方聞之皆曰今唐竟在上矣臣願陛下思祖宗修立綱紀法度維持天下之意不取目前之虛美而求經久之遠慮使上下各安其分守職業具舉朝廷清明民物繁富弊無由而起蠹無從而生天下不知其所以然

欽定四庫全書

鴻水集

二

議禮

臣聞聖王治世莫重于禮事不由于禮無巨細皆不可行三代之禮至周而備今考諸載籍所傳者十無二三前世江都開元皆嘗纂綴舊文而行之當時折衷執於古者泥而不通順其時者陋而無法學禮者有所不取後世無可稽焉傳曰治定制禮國朝承平一百六十年

高出唐虞豈三代可擬一代禮典今猶未講至使好禮之士有家自為禮者苟况云禮莫大於聖王是惟聖人乃能制禮惟王者乃能行禮記曰非天子不議禮不制度不考文臣願詔有司上自郊廟社稷下至三祀一祀與夫冠昏喪葬賓軍辨其等威裁其文物不僭不偏據於古而不泥宜於今而不陋著為一代之典其士庶所當行則頒之郡縣使通知焉事有制度燦然可觀四夷百蠻嚮風取則為治世甚盛之舉豈勝幸甚取進止

欽定四庫全書

鴻水集

三

議樂

臣聞治定制禮功成作樂此王者甚盛之舉天下熙洽人心悅豫發為和聲因其人聲之和而播之八音又形容其成功之象也三王不相沿樂豈苟為異哉治世成功各不同也記曰大樂與天地同和樂豈易知乎三代之樂亡已久矣唐貞觀中命祖孝孫張文收考定雅正粗而未備後累經喪亂其器與書今皆不傳載籍所言雖皆以黃鍾為本上生下生隔八相生及其律管徑寸短長

但糟粕耳有能遺其舊說脫然識其聲別其音者未之聞也夫黃鍾律之始也半之清聲也倍之緩聲也三分其一而損益之此相生之聲也十二變而復黃鍾之總乃旋相為宮之法也萬物動皆有聲若造樂精微之妙凡聞其聲則知是何音合何律是為正音是為變音是為清是為濁如此方為知音可以議樂矣近者陛下有詔選官定樂又博求前代之器夫前代之器各一時之用若得漢唐之器乃漢唐之樂也若得魏晉之器乃魏晉之樂也但欲求為多見則可矣遽欲用為今日本朝之樂恐未然也晉之荀勗取牛鐸為黃鍾出於獨見果合於古乎樂之作欲動天地感鬼神自漢以還未之聞也朝廷昔嘗定樂矣陛下以為未盡美善亦不能形容祖宗之功業而又本朝運膺火德獨徵音未明此固當重為考定也今聞衆議又只依往昔糟粕而制器此安足以副陛下所降之詔意夫知音者聞之於耳得之於心自不能傳之言遇其應於心方可默契徵音火南方

之音也火性炎上音當象之乃欲就其下而抑之恐非也臣願詔天下廣求天性自能知音者敦遣令赴議樂所多方以試之是誠不謬共為講論庶幾其可矣若徒以舊說尺寸長短廣狹重輕而製器此工匠皆能為之矣何足以為樂乎臣愚見如此惟陛下擇之

論虛名實弊

臣聞古先哲王之舉事也常艱於其始而深慮於其終始雖可為終不可繼則不為蓋慮得其虛名而受其實

弊天下四海雖甚大亦猶庶民之一家以一家之事推之乃天下之事爾臣嘗觀舊史見前世不能深思遠慮輕動生患者其事甚衆不敢遠引以瀆聖聰以臣今親見所謂庶民之家者論之臣居有鄰人承其父業負郭有美田十餘頃衣食富足不能力穡篤治為人所怵喜多田之豪名聲索家資又營遠山之瘠田數十頃欲人稱其田之多也遠田無所得常以負郭資之歲久因遠而因此求虛名而受實弊也陛下承祖宗積累之休無

幽不燭無遠不察其多事輕動以求利者不能昧聖聰
必久已察之矣固不待螻蟻之微獻其愚臣惓惓之誠
更冀終謹之幸甚

論取士

臣恭親神宗皇帝憫士弊於俗學之久慨然作新造之
以經術發明聖人之遺言使講求義理之所歸庶知乎
修身行已上以事君內以事親涖官接物弗畔於道而
今之學者曾不思此平日惟是編類義題傳集海語又

欽定四庫全書

鴻水集
卷一

六

大小經題目有數公試私課久已重疊印行傳寫其義
甚多無不誦念公然剽竊以應有司之試終身之學止
於如此甚者至於所專之經句讀不知音切不識或誤
中選入仕平生所學皆無可用非惟鄉閭無一善可稱
雖有甚不齒者亦更不問朝廷建學立師設館給食而
偷惰苟且若是安能副上教養之意哉欲責其移孝資
忠臨民應務之效必不能也古者鄉舉里選非但取其
浮文必皆考其素行臣欲乞立法取士以博學行義為

先試言為次抑亦絕其干託奔競之私察其器識材術
之異庶幾所養可取所取可用聖朝有得士之實取進
止

乞置榷場

臣竊見回紇于闐廬甘等國人嘗賣蕃貨以中國交易
為利來稱入貢出熙河路朝廷察知其情故限之以年
依到本路先後之次發遣赴闕而來者不已守待發遣
有留滯在本路十餘年者其所賣蕃貨散入諸路多是

欽定四庫全書

鴻水集
卷一

七

禁物民間私相交易遠商物貨厚利盡歸於牙僧臣累
次詳問所賣物貨上者有至十餘萬緡下者亦不減五
七萬且遠人懷久客之情平民陷冒禁之法利贏無極
盡歸於牙僧往來無已每遇發遣徒擾州縣今湟州新
復正要措置使商賈奔轅不惟通其有無誠亦厚其根
本之勢臣今欲乞於湟州依雄州火山軍等處例置立
榷場於湟州別置蕃市以居來者更不發遣赴闕使利
歸於公貨通於下亦可少補經費取進止

乞置弓箭手堡

臣竊見極邊弓箭手就土山削成峻壁盤開細徑鑿穴以居謂之崖峴凡一峴所聚少者百餘家多至三四百家其情非不樂居城邑就堡郭意務便於耕牧又密邇敵境相與保險以防抄掠之患然本欲防患賊寇若至患不可逃蓋各潛於穴不能相救賊前阨其門尋氣窻灌浸熏燎束手就禍邇者元祐間夏賊寇犯涇原大被其毒邊民皆自知其如此顧戀生業無以為計臣欲乞

欽定四庫全書

滿水集

八

下逐路經畧司委官相度就弓箭手耕牧近便處團併指揮建置堡子分擘地步先為土棚漸次修完使之就居備列戰格開掘壕塹修立門橋一堡之內正丁家丁不減二三千人於其暇時教以戰守之法逐指揮人員將校統領分定城上地分每季輪那城寨官前去點檢地分巡檢常切往來照管遇有探報無起遣之擾雖有攻圍必以死守遠近聲勢相接互相應援近年新邊城寨相去近者四五十里緩急卒不相應此壘若成血脉

方通人旅行役不及城寨可就安泊不待官兵戍守而藩籬密完誠一舉而兩利取進止

乞罷造戰車

臣准樞密院劄子奉聖旨令本司製造戰車三百輛專令臣催促製造應副本路出入攻戰使用臣嘗覽載籍古者師行固嘗用車詩云公車千乘公徒三萬又曰戎十乘以先啟行及周制自步百為畝積而至於通十為成成出革車一乘其他班班亦可見古之用兵與今

欽定四庫全書

滿水集

九

不同古者兵不妄動征戰有禮不為說遇皆有法度多在平原易野故車可以行敵人不取輕犯此以車為利也今之用兵盡在極邊戎狄乘勢而來雖驚鳥飛翥不如是之迅捷下寨駐軍各以保險為利得其機便或有負敗各逃散不相顧其往車不及期居而保險車不能登歸則敵多襲逐爭先奔趨不暇回顧車安能收非若古昔於中國為用臣在兵馬間親冒矢石前後十餘次觀之屢矣有至糧糗衣服器械不能為用者又況於車

乎聞此議出於許彥圭彥圭因姚麟之子師閔而得見麟遂獻說於麟懇告求以此為進身之謀麟遂憐而上其說朝廷以麟邊人必熟於邊事意遂然之不知彥圭劇為輕妄麟立私恩不思誤朝廷之事是亦容易昔唐之房琯嘗用車戰大敗於陳濤斜十萬義軍無有脫者當時止在畿邑平地且如此況今欲用於峻坂溝谷之間乎又戰車比常車濶六七寸運不合轍牽拽不行今配買木植物料差顧工匠大為費擾既成艱於牽拽昨欽定四庫全書

滿水集
卷一

十

東來者牽拽不行致兵夫典賣衣物自賃牛具終日方進五七里遂致兵夫逃亡戰車棄於道路大為諸路之患其糜費不知其幾千萬矣苟望一官之進上罔朝廷下害百姓此而不誅何以懲後臣今乞便行罷造如別路已有造者乞不牽拽前來免致徒費人力如朝廷未以臣言為然乞賜博訪謹具奏聞伏候勅旨

乞罷造船

臣准尚書省劄子涇原路經畧安撫使邢恕奏乞下熙

河路轉運司打造三百料及五百料船五百隻將造成船於黃河順流放下至會州西小河內藏放奉聖旨專委臣監督催促打造限一年了當臣竊知邢恕欲用此船載兵順流而下去取興州契勘本路見有船匠一人須乞於荆胡南北江淮兩浙剗刷和顧又釘線物料並非本路所出昨造蘭州浮橋皆自別路應副非惟工匠物料全無臣觀邢恕奏請不止於道聽塗說亦實是兒戲且造船五百隻若目今工匠物料並備亦須數年其聲勢夏國必已詳知自蘭州駕放至會州約三百里北岸是敵境豈可容易會州之西小河鹹水其濶不及一丈深止於一二尺豈能藏船黃河過會州入常精山石峽險窄自上垂流直下高數十尺船豈可過若只是棧木經此亦須撲散然間有浮者船既破散一沉無有却浮過此峻流至西安州之東大河分為六七道散流謂之南山逆流數十里方再合逆流水淺灘磧不勝舟載設若可行自會州之東便是生界兩岸皆是敵境一船

欽定四庫全書

滿水集
卷一

十二

所載不過五馬二十人五百船共該馬二千五百匹一萬人兼糧糗草料器械衣物盡在舟中縱使在河不為敵人所取雖到興州又何能為又不知幾月得至此聲若出必為夏國侮笑豈止謂秦無人矣臣今未敢便依指揮擘畫乞差刷工匠應副物料伏乞再下邢恕令詳具如何措置的有萬全之策朝廷詳酌實見可行再降聖旨造亦未晚臣愚見恐虛費錢物終誤大事不敢緘默須至奏聞伏候勅旨

欽定四庫全書

清本集
卷一

守坐臺鋪議

臣昨見沿邊守坐烽臺口鋪最是重難自來本地方城寨分擘守坐之人不限戍兵蕃兵一例輪差東來戍兵不能辛苦多是不着臺鋪蕃兵又難以盡依官軍驅使地方官雖時或點檢終不整齊若有緩急竊恐誤事欲乞沿邊烽臺只差土兵與側近弓箭手其口鋪如土兵弓箭手人數不足方許兼差蕃兵亦不得只差蕃兵如此則烽燧巡防不致誤事伏候聖旨

乞於阿密鄂特置烽臺

臣近巡歷自蘭州京玉關至通遼寨入遼州路經巴咱爾宗其路極深峻窄險滑濶不及二尺陡臨宗河般販斛斗客旅畏其難行頭畜脚乘盡由宗河北路過往北路是夏國生界三處有賊馬來路又近夏國斡齋城溝谷屈曲賊馬隱伏不測出入抄掠前後被患已十餘次緣客旅往來通遼寨京玉關四十餘里中途倉皇南北奔趨不及遂被殺虜今京玉關東北約二十里有舊阿密

欽定四庫全書

清本集
卷一

鄂特城地基正在兩城中路地勢甚高接連生界欲乞下本路經畧司就彼修築烽臺比尋常增展寬大可以停泊五十人開掘壕塹築立羊馬牆安置門橋備設守禦之具差人守坐照管賊馬出入若有抄掠客旅可以奔投若賊馬數多舉烽火京玉通遼頃刻便到蘭遼二州兵馬相接而至不須更築城寨足可隄備伏乞詳酌施行

小貼子

今烽臺守坐并軍員只是六人若修置如法有矢石守禦之具非一二百人未敢輕犯又

應接甚近夏國安肯以六人易一二百人之命
須合修築今併畫圖進呈崇寧三年某月日狀

乞與孫路贈官及例外推恩狀

右臣某按路治平初以進士擢第歷官中外四十餘年
遠職守義普通判河州承景思立敗衄之後綏輯蕃漢
人情懷附後通判蘭州夏賊攻圍抗賊堅守終能保完
城壘紹聖間為環慶經畧使進築橫山興平寨闔土廣
屯皆據要害又招納到強酋李阿雅卜詢考敵情皆得要
領元符初移帥熙河築會州等城直通涇原前後措置
欽定四庫全書
實而不華不敢虛飾以為身利又能愛惜民力臣近以
朝廷講究邊事如路鮮有及者曾具論奏今被詔旨赴
闕奏事路雖已得病以久懷邊事本末乃欲力疾造朝
一陳所蘊期有補於朝廷西洛士夫皆深歎仰不幸瞑
目齋志歸於泉下平生清白自持家貧子幼眾共傷惻
伏望朝廷優推贈典例外官一子或孫特給賻卹候將
來舉葬令所在州縣量行應副庶使天下知朝廷不忘
有功以為來者之勸謹錄奏聞伏候勅旨

相度河北西山水利害申尚書省狀

右某准河東路轉運司牒坐准尚書省劄子檢會相度
河北河事張商英奏河北西山諸水今為水患眾河之
水出自河東乞令差都轉運司官前來河北同共相度
某准本司牒差委前去今按行檢視得河東自大河之
東諸水會為三川自寧化軍過入太原并汾石晉絳皆
會於汾汾河南流直出河中府界之北遂入黃河忻代
之間及平定軍北山之水皆會於潞沱河潞沱河東流
出於真定府南趙州之北澤潞遼州威勝軍之水皆會
於漳河東出相州界潞沱與漳皆入黃河今河北近西
山之水非止潞沱與漳亦有他水西入於大河大河翻
沙滾流沙漲時每淤塞水口水遂漫流逐處地分不肯
開淤塞之處並恐渲刷侵損堤堰此事其來已久河東
地居山上河北地居山下地勢高低不可以丈尺計其
水東走甚於建瓴若不放入大河令歸何處豈可截回
而西萬無是理雖源出於此流必歸彼自禹之開導至

於今日不可改也某今已親到河北詳說與相度河事
張商英等更無別理謹具狀申尚書省

乞開黃河中灘

臣某蒙恩差知鄭州於今月初四日到任首見差發人
夫急於星火知大河漲溢原武等埽危急緊要修疊固
護臣久知原武一帶埽埽比諸處不同為鄭北盡是積
水陂湖相連直接國門又地勢高於京師若有決溢勢
迅東下臣遂親至河上體度水勢次第今見大河於原

欽定四庫全書

河渠志
卷一

十六

武東二里以來中心有灘一道長三里餘闊一百餘步
其灘已老問人云已十餘年沙土堅壯河漲為灘所激
奔射南岸水勢甚緊枝梧費力臣現多方措置兩月稍
見次第然今年補貼雖得稍定來年遇漲還作上軫宸
慮下勞百姓臣今乞下都水監將中灘於心中東西開
透令引放河身於河漕中心通流雖有暴水不偏着岸
更無危急兼東西只是長三里有餘用工不多可絕後
患今并畫到圖子隨狀進呈伏候勅旨

河東鹽法議

某准河東路轉運司牒准尚書省劄子令某賁本路鹽
法文字赴都堂稟議竊惟河東永利兩監及馬城池鹽
利害甚不難見其往昔措置不須詳說據目今只有三
說一者官自賣一者只令客販一者官賣及客販兼行
某熟曾講究若只官賣如昔年盡是抑配又有般運強
差脚乘之擾若只令客販客旅不來算請招誘不行無
可秤提兼慮侵奪若二者兼行互相爭侵客販難久某

欽定四庫全書

河渠志
卷一

十七

曾總計三處鹽課一歲所得僅一十萬貫其中官本三
萬餘貫又鐫戶中鹽入官額及八分免放戶下助軍糧
草七分更不支移一歲免放亦不下五六千石即所得
鹽息粗及三萬貫而歲賣及額息止如此而亦常不及
額張官置吏祿廩幾何又追呼催督公吏騷擾捕捉私
販禁勘連逮畧無虛日此不足以當一郡酒稅之入而
為河東二十餘州之患其得其微其弊甚大又安足議
况馬城池鹽尤更不堪無人算買今已七年支啗駝畜

餘皆棄去乃昔日將解鹽冒進欺罔得賞本路晉絳慈
隰已是解鹽地分乞將本路盡行解鹽給降解鹽文鈔
三十萬席付本司依陝西例分擘與沿邊州軍許客人
用見錢請買或入中斛斗算請般販解鹽前來聽其自
便將兩監及馬城池鹹地盡令開耕嚴禁私煎立定日
限令巡尉躬親徧行點檢如私販於他處販獲並連私
煎及巡捕透漏皆坐罪庶稍寬一方之刑禁一路上下
皆食好鹽自來陝西鹽鈔立限七年今本路鹽鈔乞以
欽定四庫全書

滴水集

卷一

詳酌施行

欽定四庫全書

滴水集卷二

宋 李復 撰

表

賀安九鼎表

雲物應符兆啟昆吾之瑞琳宮考古慶成邾鄒之安賀中
竊以軒轅開祥廣發三才之象夏禹圖物畢朝九牧之
金而皆嚴役陰陽之神煥成天地之寶道異升降勢隨
重輕周器已空遂起楚人之問漢巫語怪漫迎汾水之
欽定四庫全書

滴水集

卷二

節密邇畿封盛事惟新激昂茲始

謝復任表

叨承芝檢再直河圖隕命自天措躬無地謝伏念臣機靈
勿與器質匪奇早誤使令永甘沈廢豈意寒微之末預沾
甄敘之私見齒清時蒙還舊物十年屏迹形彫墜谷之憂

一日拜恩涕發戴盆之照危心易感禱魄初歸此蓋伏遇皇帝陛下好惡無私德刑並用麗日正午物無邪陰震雷發春蟲無蟄戶煥青宮之鐔典光動前星削丹筆之刑書澤均國土睿斷獨高於往古普天盡屬乎完人叶氣旁流羣生共慶熙朝接武徒結想於清途聞康庇身悵難圖於微效

賀幸太學辟廋表

玉蹕和鸞肅奉六龍之御璧流璽舍親紆萬乘之尊輿誦載傳羣情均慶賀中竊以晉武視學惟行飲酒之儀漢

欽定四庫全書

滿水集
卷二

二

明臨廡但講拜老之禮豈如聖世翕變道真發秘化以開人之文敘彝倫以建民之極膠庠奕奕美輪奐於綿區絃誦洋洋揭聲明於寰海恭惟皇帝陛下道致廣大性熙光明放異路之淫辭興千年之絕學海涵地產生共慶於時升雷動風行物咸新於聖作顯嚴法駕賁煥儒宮示淵衷勸獎之心昭熙朝華鐔之典臣適分符竹阻詣闕庭臣無任

賀皇太子登寶位表

臣某言伏覩去年十二月二十四日手詔皇太子即皇帝位者分茅建國昔開王者之封飛龍御天今應聖人之造德音誕布海寓均歡賀中伏以明兩作離光繼四方之照帝出乎震德孚萬物之情席祖宗不拔之基擁社稷無疆之祉恭惟皇帝陛下溫文孝友恭儉慈仁允協昌辰遂登大寶海涵地產咸忻日月之新川泳雲飛永賴乾坤之慶臣久棲田畝常苦疴瘍望九天而馳心同百獸而率舞臣無任

欽定四庫全書

滿水集
卷二

三

賀南郊表

迎陽候景循三歲之彝經尊祖事天擁萬靈之殊祉恩覃動植慶浹華夷賀中恭惟皇帝陛下德大嚴親禮隆重祭燔柴奠璧昭精意於靈承灌鬯加遽享孝思於配侑瑞霄溢彩澄海浮光風動難星燦祥輝於雲表日開園土騰協氣於民區凡在萌生率同茂遠臣獲頌明詔幸觀昌辰聳踊欣歡恭伸頌禱

賀元會表

龍德御春舉外朝之盛禮天心儲祉罄率土之歡心中賀
恭惟皇帝陛下肅奉瑤圖紹隆寶祚正萬物生成之始
擁上靈保佑之休茂對昌辰聿修緝典臣竊司外計阻
拜前墀西駕飛輶日切雲天之想東傾丹闕阻陪駕驚
之趨臣無任

賀五星循軌表

聖德顯乎默動九天之鑒星曜高應燦流五緯之祥觀
象告休馳聲交并中賀恭惟皇帝陛下政修六府道格三

欽定四庫全書

滿水集
卷二

四

辰賑乏養疴時錫萬方之壽育萌撫乳世無一物之疵
薰然叶氣之和感彼層霄之瑞連珠騰彩順行黃道之
經披錄考占永契豐年之兆嘉驗清臺之奏光垂信史
之書臣向闕傾風共仰一人之慶佩符起舞均同四海
之歡臣無任

賀破蕃賊表

巖然醜類已大殄於龍城肅爾王師遂再臨於鄯壘復
收故境懔赫嚴威中賀竊惟氏疆昔皆禹履汗隆有異感

闕隨生未請終軍之纓莫斷匈奴之臂天寶道喪肆猖
獷以東侵熙寧真興屢憂勤而西顧未航河葦忽墜烏
弓比雖暫得而未完遽自速顛而還失孝思善繼舊壤
咸歸恭惟皇帝陛下默運神機妙數聖畧勝決九重之
上功無一鏃之遺山川開日月之新邊徼淨烟霾之翳
青海薦祉願呈天馬之歌積石窮源將見仙槎之使臣
叨司外計方備戎行阻稱萬壽之觴竊忝千齡之運臣
無任

欽定四庫全書

滿水集
卷二

五

謝直秘閣表

彤庭入對洵承三接之恩芸閣升華叨奉十行之詔循
墻莫避據蒞增憂中賀竊以金馬石渠內闕藏書之府蓬
萊方丈天開羣玉之山育材喜詠於陵阿垂象耀文於
奎壁世高華貫時謂要途宜求特異之才可副最優之
選如臣者流離弱質樸樸瑣材行未免於鄉人心漫期
於絕學徒緣貪食偶綴辭科困簿領之塵迷已餘半世
思簡編之舊習恍若前生論文未及於窺斑奏賦無疑

於覆甑自慙荒落有玷寵靈此蓋伏遇皇帝陛下德照容光道成善貸爲飛魚躍樂聖造於天淵雨潤雲蒸鼓和風於草木欲增華於遠使故曲示於鴻私顧臣何堪被遇若此臣敢不敬思可欲無徒事於浮文力行所知庶勉圖於遠業仰酬覆幬以盡糜捐

謝賞功表

猥被芝書進直龍馬超兩官而躡等叢小已以增榮拜命雖優俯躬彌厲中謝竊以奮揚湯武恢復堯封集齊五

欽定四庫全書

滴水集
卷二

六

路之師進冒三峽之險移金轉餉敢言一道之貧僦力鳩工寧憚六州之寡漫歷半歲徒憚百為事切應期罔暇資於旁助功須核實豈容飾以虛辭第恐有玷於使令敢意苟逃於誅責得從善貸已荷寬恩遽冒殊私皆非素望此蓋伏遇皇帝陛下德涵博厚明照幽微審知師旅之興無若芻糧之急累嚴聖訓慮之軍須謂其闕事而有誅因其成功而亦錄豈謂九天之邈能矜一介之微臣敢不恪勵官規益修職業勉竭涓埃之効上酬

覆幬之恩臣無任

謝冀州到任表

叨承恩詔游易州符祗荷寵靈但深兢懼中伏念臣材惟樗散識甚癡癡務堅義守以持身敢有剋心而擇事初畢西寧之役亟當東里之衝夙夜靡皇事為粗舉賜汲黯之故綬將若深鵠御列寇之冷風遽隨退鵠屢被長民之寄第增竊食之羞此蓋伏遇皇帝陛下聖度包荒仁心博愛明容光而必照道善貸而且成兩河為州中欽定四庫全書

滴水集
卷二

七

謝夔州到任表

比嘗塵疏願終亮社之仙祠今忽拜恩俾載寧江之侯旆仰虔嚴命俯激懦衷中謝伏念臣淺甚蹄涔利非囊穎每自恃其愚直故動忤於貴權敢萌怨尤分甘流落知公議之有在荷聖朝之不遺中滅竈更炊雖尚梁鴻之慙慨敝衣白髮久嗟顏駟之摧頹而况控三峽之要津連